

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Consideratio status damnatorum, quod actiones ipsorum
in primis malas, concernit**

Fecht, Johann

Durlaci, 1680

CV.

[urn:nbn:de:bsz:31-122744](#)

pescunt & turbantur, ut interim in aliam cogitationem se non extendant; sed illuc tendit impetus cogitationis, ubi sentitur vis doloris. Sed in hac vita nullus adeò malus est, ut penitus secludatur à cogitatione DEI, quia nec perdit appetitum beatitudinis, & quandam boni amorem, quem naturaliter habet rationalis creatura. Illas autem exteriores & profundissimas tenebras reprobos perpeccus post iudicium, dicit Augustinus, opponens de illo divite, qui in inferno positus, elevans oculos, vidit Abraam & in sinu ejus Lazarum, cuius comparatione coactus est, prosteri mala sua, usque adeò, ut & fratres ab his, roget premoneri. Quod ante iudicium factum legitur, sed post iudicium in profundioribus tenebris erunt impii, ubi nullam DEI lucem videbunt, cui confiteantur. Vides, tenebras exteriores Magistro, utrumque tenebrarum genus, corporalium & spiritualium complecti, & tenebras spirituales exponi partim per odii & voluntatis malignitatem, quā impios hujus vitæ superaturi sint, partim per oblivionem DEI, à tormentorum atrocitate effectam; quæ certè actualia sunt peccata. Quamquam, utrum pœnarum magnitudine ita turbari queant, ut nulla in eis amplius sit cogitatio de DEO, suo loco datâ operâ disputabimus. Neque deserunt præceptorem, Lombardum, discipuli. Eust. Bonaventura, in damnatis tenebras spirituales fore quoad actum cognoscendi & memorandi: Albertus Magnus, extra DEUM futuros damnatos; quia in nullo consentient ei, sed quoad dominium tamen non possunt effugere ipsum; & odio habituros DEum, propugnat: Henricus verò Gorichem magistri vestigiis pressè infistit: Quæritur, cur mali dicuntur esse in tenebris exterioribus? respondetur, quod hoc primò dicitur, quod penitus erunt à visione exclusi, tum propter malitiam voluntatis, tum propter oblivionem, quam in eis causabit gravitas tormentorum. Ante iudicium tamen non tam profundas pœnas patientur, sicut post iudicium.

CIV. Argumenta coetera, quæ §. LVI. & seqq. subjecta sunt, contra impugnationes quascunque firmiter munita esse arbitramur, ut non opus sit, otiosam eorundem repetitionem hic instituere. Expectamus potius, quibus machinis hæc propugnacula concussuri sint, quorum animo contraria sedet sententia.

CV. Cum igitur haec tenus solido fundamento sententiam, damnatos peccare ajentem, superstruxerimus, id unum restat, ut diversæ à nobis opinionis fulcris nervos incidamus, & quā parte illa

illuviales
actioniam
CVI.
entie liber
nis ulla epi
falcianut
car & timo
penitens id
Divina con
non cadit:
do ex suppl
si tolleretur
competit,
Id quod II
irespon
tentiam, di
tudine, nu
vimus. §.
emitoria impo
que facerent
tur autem
peccatum
actu penit
actu peccat
tan infern
agimus. I
ludem, ad
etum: in
tur, neque
quemadmodum
baptizatio
Christi, q
rum effic
ennatoru
staci pec
tuntur.

illa vacillent, quā sub veri specie fallant, ad indubitatem veritatis victoriā conciliandam, demonstremus.

CVI. Ad primum igitur argumentum respondemus, I. Sapiē liber Apocryphus, neque in quæstionibus fidei aut religiōnis ulla ejus est auctoritas, nisi sanctorum librorum testimonio fulciatur. II. Pœnitentia duplex est, vera, quæ est agnitus peccati & timor judicij Divini, ortus ex ipsius peccati fœditate, quod pœnitens ideo detestatur, quia in se turpe est, & quia voluntati Divinæ congruit, ne peccemus; & talis pœnitentia in damnatos non cadit: vel spuria, quæ est detestatio peccati, orta tantummodo ex suppliciorum gravitate, conjuncta cum proposito peccandi, si tolleretur ab eo pœna; & hæc pœnitentia damnatis quidem competit, sed reipsa peccatum est, voluntati quippe DEI adversa. Id quod III. agnoscit ipse Bonaventura, cum ad hoc argumentum ita respondeat: *Ad illud, quod objicitur in contrarium, quod habent pœnitentiam, dicendum, quod verum est. Sed illa pœnitentia est stimulus pœnitidinis, non correptio voluntatis.* (Ex Augustino, quem supra allegavimus, §. IV.) Unde si daretur libertas peccandi omnino, ut separaretur omnino impunitas, dico, quod peccarent. Sed si deberent ita puniri, pro aliis, quæ facerent, sicut pro his, quæ fecerunt, nunquam vellent peccare. Fallitur autem Bonaventura, cum existimat, salvari hac responsione peccatum damnatorum habituale, excludi autem actualē: nam actu pœnitere pœnitentiā spuriā & DEI voluntati refragante, est actu peccare; ut taceam aliis etiam peccatis actualibus contaminari infernales cives, de quibus subinde in præsenti tractatione agimus. IV. Pœnitentia medium est impetrandi gratiam & salutem, ad hanc unicē vitam, ex liberrimâ DEI dispositione, adstrictum: in alterā vitā ex parte damnatorum gratiæ janua clauditur, neque pœnitentia, si vel maximè vera esset, DEO placeret: quemadmodum benè non ageret, ex beatis, qui in alterā vitā vel baptizari cuperet, vel credere, remissa sibi esse, propter meritum Christi, quibus tamen obnoxius non est, peccata, quorum medium effectus ad hanc unicē spectant vitam. V. Pœnitentia damnatorum de commissis in præsenti vitā criminibus, cum pertinaci peccandi voluntate in futurum, consistere potest. Contentunt enim & agnoscunt stultitiam suam, quod præteritis hujus